

敬止錄

第四冊

敬

上

錄

第

四

卷

學校考

歷代建修碑記

紹興七年記

李璜

四明^縣擬會稽之東抱負滄海枕山臂江重阜崇嶺連亘數千里其
浸不淫於海而瀦以為湖山川之勝雄傑茂異所以人才英拔視
他郡為甲至於後進縫掖往往水玉秀整廉利好學蓋自祖宗以
來名公碩儒文詞為諸儒倡者縉紳至今誦之郡舊有學制度甚
偉建炎胡虜之禍鞠為茂草而先聖之殿僅存扶持傾圯不蔽風

雨荒榛斷址使人悵然懷舊而悲焉今新昌石君延慶光錫學問淵博連中三科四方望風欽矚願得執經席_下以丐餘論紹興五年是掌是邦之教事居無費舍食無梁肉水火器皿之用凡_百不備學者猶且負笈而來棲於敗屋之下絃誦之聲不絕蓋其風俗好學如此會太守仇公以_大對出鎮恭致天子崇儒右文之意歲時嚴奉牲幣盛服_揖樽_揖笏祠於庭下將事既畢延見諸生酌以酒醴每病_饑廩不充以為公私之患明年政成乃斥公帑百六十萬又丐於耆舊鄉老得錢八_十萬始益賦入助其供給復以估權廢材瓦木竹竿凡十萬九千六百有奇益以調度之餘四百萬錢以為梓匠丹_堊之費初立重門兩序敞其後以為講義之堂東為庖廩

之舍用閭深麗翼瓦飛聳神位像設邊豆俎簋煥爛一新於是泮
宮之制以體充備既落成率諸生行舍奠之禮是日鼓舞歌咏莫
不稱頌仇公之德又以君名起諸之材脩於細故針抽縷積以至
於斯也竊嘗謂古者有國有鄉必立學校蓋非苟然而已以為君
子之居而禮義之所從出也為諸侯者於此乎受成遣師以服遠
人為士大夫者於此乎遊燕休息以議政事執政者又從而究其
言善否因以改行下至游士胥子編戶庶民莫不雍容進退於斯
講求先王之道皆得興於禮義及其秀傑穎脫則又論而升之俾
之為天子政事之臣此所以學校官府初無二體而三代之上家
塾黨序遂序國學如是之設也後世先王之道不明武吏以殺伐

暴悍為能文吏以簿書期會為重其間深文刻害便法自營者則
悠悠之談指為廉正怙其驚忍以投時好如蟲食木中傷敗冲和氣
卒之穿穴侵漏與本俱顛而莫之知也大抵自漢而下承暴秦之
諸結維持固結之道一切主於法令劫持天下使不能去無復父子
君臣之愛一旦潰敗不可鈐捉扼誠以平昔用法便文之積也今承
漢唐之後去古益遠為吏者視斯民如仇讐居官者指公府如傳
舍朝夕從事米鹽錐刀之末為治之道追胥篋斂耳非復有文學
禮義之說也至尊憂勤於上隆師重傅以明先王之道而六經之
旨不行於士大夫之間處心積慮官遷留滯而止士之游於庠序
者裁決經史取青蠅換白白以待有司之間交相告語唯恐趨赴功

名之後此道之所以不明而先王之道幾於熄也如是而望風俗
之醇厚億兆之孝弟忠信難矣郡之有學始曰禮義而先生^王之遺
風餘訓標準在是為政者尚指以為不急之務亦已甚矣四明環
地千里浮屠老子之宮無慮數^百區窮極土木以享侯王之奉然
以州郡之力學校之事求數十楹以庇其徒而艱難勤勤積歲十
數不克有成良可歎也今仇公適丁搶攘之際撫臨一方未及報
政而公^私便利風化醇厚無廚傳過客之事而有恭儉率循之益
為善者有所恃而不懼姦宄小人^知所畏憚而不敢自肆是以風
颿海舶夷商越賈利源懋化紛至^運來波濤警伏山谷休靖盲風
怪雨不敢輒作乃能於此之時以其餘力及於學校養育人材用

為異時興起太平之資其所以忠於國家惠其俦類之意深矣又能斥其^弊藏之積勉勵羣僚上下協同以濟茲其用心可謂知所先後不忘其本者哉^{以下府志刪}雖然善始者未必善終能作者未必能述今公於此可謂勤矣若夫因^卑而高積微至著使之日增月益以至熙盛則又有待於後之君子賡繼存愛之而已此則仇公之亦郡人所望於來者也併書之以告紹興七年季冬閏十月甲申謹記

紹興十九年御書閣記

今皇帝以英睿之資偶艱難之運初御大寶銳志^虛平迨紹興十有二年乾坤清夷世道興起是冬有詔興太學以臣聞為國子司

業越明年春賜封。便朝首枝聖訓。今日偃武武或修文。蓋不憚躬與
民休息。且宣諭所以選用之意。臣學術濶疎。大懼不足以當師儒
之任。然敢不勉勵。以敬休命。遂奏。臣昔為太學諸生。嘗獲恭覽累
朝宸翰於御書閣。今敢於學願陛下親御翰墨。如惠多士。上可其
請。尋命臣入侍經筵。一日進講畢。上從容謂臣曰。聖賢之言。蓋有
深意。朕每罷朝。未嘗不觀經史子傳。日書數帙。漸來。部秩將以坎
降。出臣拜手稽首曰。陛下聖學方日日新。豈唯學者有榮耀。馬顧
臣不肖何足以奉天子五學之游。實天下幸甚。於是師臣請刊石
於國子監。頌其本。編賜津宮詔。從之。郡國被賜。自茲始矣。四明距
天朝五百里。而近頻年所賜雲漢。昭回焜耀海隅。而郡學棟宇未

備稽古舊閣弗存守臣徐琛懼護持之弗虔無以稱上賜教官陳元裕請以養士羨餘即舊址為閣而以御書鎮之議既協經始於戊辰歲之孟冬落成於己巳歲之季春元裕又請出其事臣琛以屬臣臣歸休於里復睹盛事不敢固辭臣聞治天下猶治一身其文教與武備猶飲食與藥石也人不可一日不飲食或有病當以藥石攻之疾病既除則飲食宜復如故是以帝王之興有不得已而用武者及既平定則必歸於文治前後聖不約而同如漢光武既取新室以興建武之治乃抑臧宮之請專尚柔道數引近臣講論經旨率至夜分不以為疲是豈忘前日之武備哉治道所歸自宜然也恭唯聖上天錫勇知肇開中興由元帥以復帝位而天人

助順戢九兵以康兆民而華夷歸仁於是蒐舉禮文之事興太學而恢儒術復秘閣以貯遺書任賢勿貳坐收治功茲固不約而與光武同者至於留神化本猶以至德要道為未廣首書學經以及六經論語孟子以至史傳開視羣目茲見宸心不遑暇逸雖玩意翰墨必取聖賢格言以勤化天下是又豈光武之所能及哉臣愚幸獲知興學賜書之本未敢拜稽首以不腆之文托名為不朽榮紹興十九年五月戊午朔臣謹記

紹興二十七年御書閣記

戴覺

中興天子以柔道理天下留意稽首禮文之事肆筆成書雲昭漢倬刊之翠玖與六經並傳寵錫成均編頌侯泮悉創閣以謹其藏

四明御書閣規模雄偉甲_子浙東肇建於紹興戊辰歲務在速成
不暇擇木屹然數柱上貫層梁閱時未久蠹腐弗支生師所處日
夕惴焉非所以稱臣子遵奉之意臣覺承乏典教首請於郡願易
而新之守臣姜師仲清心奉公慨然曰是豈可因循乃即委官度
材之美募工之巧役不旬日輪奐一新爰率僚屬涓辰奉安飛榮
四翥江山助妍琅函寶軸交相輝映縉紳韋布歡欣鼓舞而相慶
曰偉哉煌煌乎不朽之盛事一方之壯觀繼自今以往神物護持
其萬億年無有壞先是閣有記臣謹拜手稽首紀重修之歲月云
紹興二十七年秋七月謹記

乾道三年記

鄭耕老

國朝慶厯中詔天下皆立學按唐貞觀詔州縣作孔子廟四明學
區暨建矣火於胡僅存先聖祠貌有斷碣三考唐開元封文宣王
太和七年始立石紀所封遺製廟經寇燬貞元四年刺史瑯琊公
重建刊石文有追贊明皇者太和四年修廟六年亦誌於石今登
科記述天禧中李侯夷庚崇庠序父老傳移學於州治東北即李
也邈乎罔究經始之日至改作續修竟與貞元慶厯相先後紹興
七年郡將仇公徽學憫建矣之厄乃建門結^堂翼以齋館蕩穢披
榛未遑宏固更二三紀新故等敝耕老辱興教具聞於府使君趙
公閣學力欲興之未及而去^{伯也}越明年直閣張公下車復疏曲
折以請公嗜學樂儒隨假之資鳩匠市材惟恐後蠹者撤撓者易

支傾墁鑄蓋翻欄植有儼其新使人生敬以乾道三年六月辛巳
始事閱月既望訖工率諸生釋菜奉安晬容畢禮厯階升堂行揖
遜講中庸中以泮水士民歡喜芹藻生春耕老職乃事不敢不謹
書以詔將來云謹記

嘉定七年記

葉秀發

憲使程公兼帥四明衆務畢舉百利至與千里士民無貴賤類能
誦言之其侯腐儒懦筆區區稱述而後來其治行之優顧學校被
公之惠備至前乎此未聞僉曰不可不記而鑿諸石方今養士之
盛由太學而下無過是邦道學著聞人才間出自嘉定六春^年二月
奉命臨茲首入學延見諸生訪問攸關自是叙次興廢造新捐楮

帑五千緡器水軍庫例歲納息千二百緡以助養士又捐公田賃
宇又間給三百緡或四百緡又一新祭器增迭儒服閣藏石經齋
置書籍青純釋奠席百有二十作石牆餘八十丈而增架貢闈屋
以絕厥後隳壞學宇之永害至若講堂會坐之修凡修膳防虞之
具精粗細大整備夫公於學校加惠之厚至於此隱而不書則何
以使異時諸生睹物思德矧物品散漫利權他屬日遷月改寔有
動移之弊後職掌之士其將何以稽考秀發於是暨諸生會議公
之所創置詳其顛末器服必有數經籍必有名生財必有所一事
一物必有根柢條例而刊之立諸祠堂之石庶幾來者確然有證
於斯嗚呼國家開設學校豈徒使學子為章句儒摘詞敷藻取危

科而已哉孟子道性善孔子曰心之精神是謂聖所教所養惟欲明是心之本善於親自孝於兄自恭於長自敬於夫婦自別於朋友自信出而事君自忠憲帥奉主上本旨竭情罄力護養諸生所自有之善性此先聖明示後學之大道也公名覃字會元前政尚書文簡公之子嘉定七年十月既望門生從慶政郎慶元府府學教授葉秀發記并書

咸淳六年記

王應麟

天子初郊見之歲法駕視學謁款先聖躋曾子子思侑饗建首善風四方罔不丕式彝訓越再歲吏部尚書洪公以敷文閣學士來發四明秋舍奠於學顧瞻禮殿梁棟侈剝喟然曰大哉聖人之道

於穆不已惠我無疆邇東漸於海遠溯洙泗簪紱之盛凝鄒魯職
在宣化弗惟道原是崇曷克稱明詔若稽郡乘舊夫子廟肇自唐
貞元四年至今四百八十餘年矣元氣回復理若有待明年實咸
淳紀號之六年乃鳩工飭材而鼎新之屬通判府事陳君采觀察
推官汪君大有庀其事二月庚寅經始七月庚戌告成穹棟碩楹
奐奕爍敵視昔有加焉已未虔安用幣衿佩雲集相與端拜而議
曰吾邦自慶曆諸老淑艾後進乾淳大儒闡繹正學孝弟修於家
而仁遜興德齒尚於鄉而風俗厚禮義明於心而賢材盛善信充
於已而事業顯成義者夫子也聖天子立教於上而夫子之道益
尊賢師帥迪教於下而夫子之道益彰夫道者治之本而功與天